

DE

LEGIBVS QVIBVSDAM SVBTILIORIBVS
SERMONIS HOMERICI
DISSERTATIO PRIMA

QVA

CANDIDATOS MAGISTERII

AD

SOLEMNIA EXAMINA

INVITAT

GODOFREDVS HERMANNVS

ORDINIS PHILOSOPHORVM

H. T.

PROCANCELLARIVS

~~12~~ 12

THE JOURNAL OF THE AMERICAN MEDICAL ASSOCIATION
PUBLISHED WEEKLY
CHICAGO, ILL., U.S.A.
Subscription price, Five Dollars Per Annum in Advance
Single Copies, Fifteen Cents
Entered as Second-Class Matter, May 26, 1917
Postpaid
Acceptance for mailing at special rate of postage provided for in
Act of October 3, 1917
Authorized Second-Class Mail Matter
Postage paid at Chicago, Ill.
Postmaster: Send address changes to JOURNAL OF THE AMERICAN MEDICAL ASSOCIATION, 535 N. Dearborn St., Chicago 10, Ill.

THE JOURNAL OF THE AMERICAN MEDICAL ASSOCIATION
PUBLISHED WEEKLY
CHICAGO, ILL., U.S.A.
Subscription price, Five Dollars Per Annum in Advance
Single Copies, Fifteen Cents
Entered as Second-Class Matter, May 26, 1917
Postpaid
Acceptance for mailing at special rate of postage provided for in
Act of October 3, 1917
Authorized Second-Class Mail Matter
Postage paid at Chicago, Ill.
Postmaster: Send address changes to JOURNAL OF THE AMERICAN MEDICAL ASSOCIATION, 535 N. Dearborn St., Chicago 10, Ill.

THE JOURNAL OF THE AMERICAN MEDICAL ASSOCIATION
PUBLISHED WEEKLY
CHICAGO, ILL., U.S.A.
Subscription price, Five Dollars Per Annum in Advance
Single Copies, Fifteen Cents
Entered as Second-Class Matter, May 26, 1917
Postpaid
Acceptance for mailing at special rate of postage provided for in
Act of October 3, 1917
Authorized Second-Class Mail Matter
Postage paid at Chicago, Ill.
Postmaster: Send address changes to JOURNAL OF THE AMERICAN MEDICAL ASSOCIATION, 535 N. Dearborn St., Chicago 10, Ill.

Homerus quemadmodum facillimus est ad intelligendum inter scriptores Graecos, ita idem iure habetur difficillimus. Nam si quis in universum quaerat, quae quoque in loco eius mens sit, nihil illo simplicius, nihil planius fingi potest; sin vero accuratius singula peruestiget, neque eum temere aut voces ponere nihil significantes, aut verborum tempora modosque confundere existimet, tam varia est, tamque implicata eius oratio, ut vix initium inquirendi, nedum finem invenias. Nec mirum. Sermo enim liberior, nec dum aut artis quibusdam praeceptis formatus, aut, ut postea factum, usu huc vel illuc inclinante constrictus coarctatusque, plurimas habet et perquam subtiles notionum enunciationumque rationes: quas quidem cognovisse, recteque perspectas habere, tanto magis necessarium est, quod omnis recentiorum sermo ex his quasi radicibus effloruit. Quamobrem qui grammaticam Homericam, quae quidem et plena sit, et erroribus vacua, condiderit, eum propemodum universae linguae Graecae naturam rationemque explicuisse dixerim. At nimirum hoc aliquanto difficilius est, quam visum est nuper Frider. Thierschio, viro praestantis ingenii, mihiq̃ veteri necessitudine coniunctissimo. Quem quum viderem in actis philologorum Monacensium de verborum modis, quibus apud Homerum tempora et causae rerum indicantur, ita disputasse, ut, quamvis multa acute disliceret, tamen in iis, quae quasi fundamenta sunt huius quaestionis, a vero, ut ego quidem arbitror, nonnihil recederet: non alienum esse a munere meo existimavi, monere vel adolescentes, qui litteras Graecas accuratius cognoscere cuperent, vel alios etiam, qui ad assentiendum proniores essent, ne, tantae difficultatis quaestionem pro re iudicata habentes, orationem poetae, nuper eximia Wolfii sollertia

tia a plerisque sordibus purgatam, inconsideratius sollicitatum irent. Faciam autem hoc sic, ut, quoniam tres illas regulas, quas Thierschius proposuit, neque explicatas ab eo video, neque ab omni parte veras esse puto, primo omnem illam rationem constructionum temporalium in partes quasdam describam, deinde autem de singulis partibus, quantum quidem in hac descriptionum Academicarum brevitate licet, dicam explicatius, non quo nova proferam, sed ut faciam, nota ne novis obscurentur.

Ac primum quidem tenendum est, constructiones, quibus tempora notantur, non aliis contineri regulis, quam illas constructiones, quae causis vel finibus significandis inserviunt. Id enim, ex quo constructionis ratio pendet, commune habent: conditionem dico. Est autem omnis conditio talis, ut aut vere esse aliquid vel non esse, aut posse esse dicatur. Hoc postremum rursus duplex est: nam quae possunt esse, ea, si philosophorum more loqui licet, aut obiective possibilia sunt, aut subiective, i. e. ut ad communem captum verba accommodem, aut nos nescimus utrum sint, necne, ideoque dubitanter loquimur, quum illa tamen re vera vel sint, vel non sint; aut, utrum sint necne, non quaerimus, sed fingimus esse, etiam si non sint, vel non esse, etiam si sint. His rationibus indicandis inventi sunt modi, indicativus, coniunctivus, optativus. *Εἰ γενήσεται*, si erit, quod futurum est; *εἰ γένηται*, si fuerit, quod an eventurum sit, necne, nescimus; *εἰ γένοιτο*, si fiat, quod fingimus fieri, nihil curantes, futurumne sit, an forte ne possit quidem fieri. Sed quantumvis plana sit haec modorum distinctio, tamen usu fit impeditiissima, et quidem propter ipsam coniunctivi optativique naturam. Nam coniunctivus quum ea notet, quae nos tantum, sintne an non sint, nescimus, necessario omnes, quae per eum modum indicantur conditiones, in futurum tempus coniicit: quia etiamsi quid ex eo pendet, ut aliquid iam multo ante factum sit, tamen, quum nos, dum coniunctivo utimur, utrum id sit factum necne, nondum sciamus; tota res in eo versatur, ut cognito demum, quid rei sit, conditio impleatur: unde coniunctivo adhaesit vis futuri exacti. Alia ratio est optativi, qui quum

quum natura sua, pariter atque indicativus, non sit cuiusquam temporis proprius, usurpatur ille tamen singulari quodam modo de praeterito tempore. Nam ut, quae hactenus dicta sunt, ad sententias temporales transferamus, his aut certa res, quae fuerit, sit, vel futura sit, designetur necesse est, ut, ὅτε ἦν, ὅτε ἔστιν, ὅτε ἔσται; aut incerta, eaque vel sic, ut nos tantum, utrum sit, an non sit, ignoremus: quae conditio quum ex eventu adhuc cognoscendo suspensa sit, planum est, hanc totam rationem non nisi ad futurum tempus pertinere. Nam id tantum, quod nondum factum est, potest ex conditione incerta pendere. Quod autem revera vel sit, vel factum est, id si quae ex conditione pendet, ea conditio non iam incerta esse potest, sed revera impleta fuerit necesse est, quia aliter, quod ex ea pendeat, non evenisset. Quare recte dicas ξενίσω, ὁπότε ἔκηται; non autem ῥοῖς, ἐξένισα, ὁπότε ἔκηται. Sed poteris in praesenti tempore, modo ne de eo, quod nunc ipsum fiat, (hoc enim certum est) sed de eo, quod indefinitum est, ideoque aliqua sui parte ex eo pendet, quod adhuc incertum est: ut, τῷ νῦν σοι μὲν ἐγὼ ξεῖνος φίλος Ἀργεῖ μέσσω εἰμὶ, σὺ δ' ἐν Λυκίῃ, ὅτε κεν τῶν δῆμον ἰκώμαι, *hospes sum, si quando istuc venero*. Iam intelligetur, cur idem in praeteritis per optativum significetur. Nam quum coniunctivus, ut qui futuri notionem contineat, non possit praeteritis accommodari, apparet, si quid in his infinitum est, id per eum significari modum debere, quo quid omnino sine temporis notatione ut incertum, solaque in cogitatione positum indicatur: is est autem optativus. Vnde illud dictum est, πολλάκι μιν ξένισσεν, ὁπότε Κρήτηθεν ἴκοιτο, *hospitio eum exepit, si quando, vel quoties veniret*. Sed ex hoc ipso, quod optativus omni temporis notione caret, facile intelligitur, nihil, nisi usum, ob stare, quin eodem modo etiam in praesentibus et futuris usurpetur. Restat alia adhuc conditionis notatio. Quas enim hactenus vidimus, earum prima in iis, quae certa sunt, versabatur, cui destinatus est indicativus; secunda erat eorum, quae sintne an non sint, nondum scimus, cui servit coniunctivus; tertia continebat ea, quae sive sunt, sive non sunt,

sunt, sumimus esse, cuius proprius est optativus. Iam his quarta accedit, quae est eorum, quae sic sumimus esse, ut simul non esse confiteamur. In qua quoniam hoc, non esse aliquid, certum est: placuit Graecis modo uti eo, quo simul et res certa, et quae non est, indicaretur, id est indicativo praeteritorum, excepto, ut par erat, perfecto, quod in hoc praesentis significatio reperiretur. Itaque quod Latini, *si hoc esset* vel *fuiisset*, Graeci per indicativum imperfecti vel plusquamperfecti vel aoristi dicunt.

His positis quasi fundamentis, sententias temporales accuratius consideremus. Est autem earum aliquanto maior numerus, quam visum est Thierschio. Quid enim, num ὅφρα, ἔως, εἰς ὅτε, πρίν non sunt particulae temporales? Quin haud raro etiam pronomina sic usurpantur, ut apertius tectius temporis notationem contineant. Quare ne haec quidem prorsus negligenda putamus. Omninoque, quum ne finalium quidem particularum alia ratio sit, ita differemus, ut magis de modo verbi, quam utrum is cum temporali an finali particula iunctus sit, quaeramus.

Incipiamus autem ab indicativo, quo utendum esse, ubi de re certa sermo est, sive ea facta sit, sive fiat, sive futura sit, tam apertum est, ut non putarim umquam existurum esse, cui de eo dubitandum videretur. Quo magis miratus sum, quum Thierschium, in prima illarum, quas posuit, regularum, indicativi usum ad solas res praeteritas vidi restringere. Difficile profecto sit, rationem vel aliquam huius rei excogitare. Sed nimirum exemplis ille rem conficere voluit. Quorum quum sat multa in rebus praeteritis, pauca autem in futuris vel praesentibus versari videret, haec explicando vel mutando remove studuit. Videamus vero. Odyss. σ. 272. νύξ δ' ἔσται, ὅτε δὴ σογερὸς γάμος ἀντιβολήσει ἐλαμένης ἐμέθεν. Negat Thierschius p. 7. particulam hic temporalem esse, sed positam vult pro relativo ἐν ᾧ, quod equidem non video quomodo a temporali significatione diversum sit. Quin nemo, opinor, reperietur, quin, si quis quaerat, utrum rectius dictum sit, hoc, an illud, ἔσσεται ἡμεῖς, ὅτ' ἂν ποτ' ὀλώλῃ Ἰλιος-
ιρή,

ἰρή, magis in coniunctivo, quam in indicativo haereat. Porro quod ex hymno Apollinis affert, ὅτε Φαίδιμα τόξα τιταίνει, in quo particulam vult causalem esse, primo, si ita esset, sententia esset eadem, ac si diceres ὅτι τοξοφόρος ἐστὶ, quod et alienum ab illo loco est, et a sermonis Homerici natura abhorret; deinde ipsa illa causalis significatio nititur temporali, cadatque, nisi temporalis admittatur, necesse est. Nam quid aliud est, ἡ δὲ λοίγια ἔργ', ὅτε μὲν χθροδοπῆσαι ἐφήσεις Ἥρη, vel, τί νύ σε ῥέξουσιν, ὅτ' ἀσπερχές μενεαίνεις, quam, *malum factum erit, quum tu me coges altercari, vel quid faciunt, quando tu sis irata es?* Luculentum exemplum in his est, Od. ε. 356. ὦ μοι ἐγὼ, μή τις μοι ὑφαίνῃσιν δόλον αὖτε ἀθανάτων, ὅτε με σχεδὴν ἀποβῆναι ἀνώγει. Sed cave huc trahas Iliad. π. 52. ἀλλὰ τίδ' αἰνὸν ἄχος κραδίην καὶ θυμὸν ἰκάνει, ὅππότε δὴ τὸν ὁμοῖον ἀνὴρ ἐθέλῃσιν ἀμέρσαι, καὶ γέρας ἀψ' ἀφελέσθαι, ὅτε κράτει προβεβήκει. Nam neque ὅτε particula est, sed antiquum pronomen pro ὅστε, et verbi tempus, manifesto vitiosum, optimam lectionem προβεβήκει revocari postulat. Vt redeam ad hymnum illum, nemo negabit, *τιταίνῃ* scribi potuisse, modo ne quis indicativum falsum esse pronunciet. Pariterque Latine et *si arcum tendat, et quum arcum tendit* dicas. Sed videamus aliud exemplum: Odyss. ω. 87. ἡδὴ μὲν πολέων τάφῳ ἀνδρῶν ἀντεβόλησα ἡρώων, ὅτε κέν ποτ' ἀποφθιμένῃ βασιλῆος ζώννυνται τε νέοι, καὶ ἐπεντύνονται ἄεθλα. Putat Thierschius p. 188. poetam necessitate coactum ζώννυνται dixisse, quod hoc verbum coniunctivo careret, ideoque certe ἐπεντύνονται in coniunctivum mutari debere. Malum vero, si poeta tam inops fuisset consilii, ut non aut coniunctivum declinare, aut verbo uti, quod haberet coniunctivum, potuisset. Hoc quidem in loco tam necessarij sunt indicativi, ut neque uti coniunctivis, neque non uti indicativis liceat. Quod quum tam apertum sit, ut demonstratione non indigeat, satis habeo adiciere, quemadmodum Latine non dixeris, *multos vidi ludos, quum certamina instituerint iuvenes, sed quum instituunt*, ita cavendum esse, ne Graecos iubeas dicere, quod dici non potest. Sed quid vèrbis opus? Inveniuntur enim loci, qui tam sunt adversus omnes machinas muniti, ut, nisi nescio quo casu

casu Thierschii diligentiam effugissent, regulam istam, sat scio, non fuisset propositurus. Odyss. σ. 217. νῦν δ' ὅτε δὴ μέγας ἐσσι, καὶ ἥβης μέτρον ἰκάνεις, ἔκτετι τοι φρένες εἰσὶν ἐναΐσιμοι. 408. ἀλλ' εὖ δαισάμενοι, κατακείετε οἴκαδ' ἰόντες, ὅππότε θυμός ἄνωγε διώκῃ δ' ἔτιν' ἔγωγε. Iliad. ν. 817. σοὶ δ' αὐτῷ Φημί σχεδὸν ἔμμεναι, ὅππότε Φεύγων ἀρήσῃ Διὶ πατρὶ καὶ ἄλλοις ἀθανάτοισιν θάσσοιαις ἱηκῶν ἔμμαι καλλιτέρχας ἵππας. Sic etiam Od. ε. 390. ἔκ' ἀλέγω, εἰς μοι ἐχέφρων Πηνελόπεια ζῶει ἐνὶ μεγάροις, καὶ Τηλέμαχος θεοβιδῆς. Ita etiam Iliad. ε. 727. in oratione elliptica. Alios locos, quos attulit quidem Thierschius, sed ut eos tentaret, tum videbimus, quum de comparationibus Homericis dicitur. Ille tamen non est hic praetermittendus. qui Od. ο. 195. exstat: ἀλλὰ θεοὶ δούωσι πολυπλάγυις ἀνδρῶνας, ὅππότε καὶ βασιλεῦσιν ἐπικλώσονται οἰζύν. Vbi quum Thierschius p. 192. futurum recte, ut arbitror, improbaret, tamen non debebat codicum lectionibus ad coniunctivum restituendum abuti, quem sensus loci, in quo particula ὅππότε causalis est, prorsus alienum esse ostendit.

Aliis in locis, quum coniunctivus vel optativus usurpari posset, indicativum praetulit poeta, quo res gravius affirmaretur. Od. θ. 317. ἀλλὰ σφωε δόλος καὶ δεσμός ἐρύξει, εἰσέκε μοι μάλα πάντα πατὴρ ἀποδώσει ἔδνα. Quo tamen non volim quosdam locos trahi, in quibus πρὶν invenitur, ut Iliad. α. 29. et σ. 283. Nam ibi πρὶν non priusquam, sed prius significare, maioremque antecedere debere interpunctionem puto, sic: τὴν δ' ἐγὼ εὖ λύσω· πρὶν μιν καὶ γῆρας ἔπεισιν, et, ἔδὲ ποτ' ἐκπέρσει· πρὶν μιν κύνες ἀργοὶ ἔδονται. Frequens est ille indicativi usus in pronominibus, ut Iliad. α. 174. πὰρ' ἔμοιγε καὶ ἄλλοι, οἳ κέ με τιμήσασσι, quocum comparat. 155. 297. Od. ε. 36. Particula κεν in huiusmodi formulis respondet nostrae *wohl*, eoque a πρὶ differt, quod est *vielleicht*. Inde dicit poeta ὁ δέ κεν κεχολώσεται Iliad. α. 139. eademque ratio est in his, α. 523. ι. 61. 386. κ. 281. ξ. 102. 239. ο. 211. χ. 66. Od. γ. 255. δ. 80. 546. τ. 558. Ab his videat mihi quis quam diversum sit hoc, Iliad. χ. 41. αἶθε θεοῖσι φίλος τοσσόνδε γένοιτο, ὅσσον ἐμοί· τάχα κέν ἐκύνες καὶ γῦπες ἔδονται κείμενον· ἧ κέ μοι αἰνὸν ἀπὸ πραπίδων ἄχος ἔλθοι. Sensere grammatici,

tici, hic, ut in re prorsus incerta, non esse indicativo locum: unde alii ἔδωκε, Aristarchus recte ἔδοικεν posuit. In ludis funebribus Patrocli Achilles pugilatus praemia proponit victori mulam, victo poculum. Surgit Epeus, mulamqueprehendens, ita loquitur, Iliad. ψ. 667. ἄσσαν ἴτω, ὅστις δέπας εἰσεται ἀμφικύπελλον. Audimus certum victoriae. Ita habebis, quo explices β. 229. ι. 167. φ. 70. 587. ψ. 675. Od. κ. 432. π. 306. Sed Iliad. ψ. 707. 753. 831. ὄρνυσθ', αἶ καὶ τέτε ἀέθλα πειρήσεσθον, indicativus non videtur idoneam rationem habere, potiusque requiri coniunctivus. Ita etiam in his Il. κ. 44. χρεὼ βελῆς ἐμέ καὶ σὲ κερδαλής, ἥτις κεν ἐρύσσεται ἠδὲ σαώσει Ἀργεῖς. Od. δ. 207. ῥεῖα δ' ἀρίγνωτος γόνος ἀνέρος, ᾧ τε Κρονίων ὄλβον ἐπικλώσει χαμέοντί τε γεινομένῳ τε. θ. 147. ἅ μὲν γὰρ μείζον κλέος ἀνέρος, ὄφρα κεν ἦσιν, ἢ ὃ τι ποσσὶν τε ῥέξει καὶ χερσὶν ἐῷσιν: quorum ex primo vitium iam Thierschius sustulit p. 181. Eodem modo in his Il. ω. 553. μὴ μὲ πω ἐς θρόνον ἵζε, διοτρεφές, ὄφρα κεν Ἐκτωρ κεῖται ἐν κλισίῃσιν ἀκηδής, reponendum putem κῆται. Sed recte se habent, quamquam singulari modo conformata, haec, Od. π. 437. ἔκ ἔσθ' ἔτος ἀνὴρ, ἐδ' ἔσσεται, ἐδὲ γένηται, ὅς κεν Τηλεμάχῳ σῶ υἱεὶ χεῖρας ἐπαίσει: et α. 403. μὴ γὰρ ὄγ' ἔλθοι ἀνὴρ, ὅστις σ' αἰέοντα βίηφι πτήματ' ἀπορραίσει, Ἰθάκης ἔτι ναιεταώτης.

Alia indicativi ratio ex vitae communis usu repetenda est, qui etiam in nostro Latinorumque sermone saepe indicativum coniunctivo praefert. Odyss. π. 282. ὅπποτε κεν πολύβηλος ἐνὶ φρεσὶ θήσει Ἀθήνη, νεύσω μὲν τοι ἐγὼ κεφαλῇ. Poterat Διὶ dicere, quod Thierschius p. 195. reponi vult, sed recte etiam indicativus stabit. Multa enim huiusmodi apud Homerum inveniuntur. Vt Iliad. γ. 101. ἡμέων δ' ὀπποτέρῳ θάνατος καὶ μοῖρα τέτυκται, τεθναίῃ. 308. Ζεὺς μὲν πρὶς τόγε οἶδε καὶ ἀθάνατοι θεοὶ ἄλλοι, ὀπποτέρῳ θανάτοιο τέλος πεπρωμένον ἐστίν. κ. 394. ἡνώγει δέ με ἀνδρῶν δυσμενέων σχεδὸν ἐλθέμεν, ἔκ τε πυθέσθαι, ἢ ἐφύλασσονται νῆες θοαί, ὡς τὸ πάρος περ, ἢ ἤδη, χεῖρεσσιν ὑφ' ἡμετέρῃσι δαμέντες, φύξιν βελεύετε μετὰ σφίσιν, ἐδ' ἐθέλοιτε νύκτα φυλασσέμεναι. In iisdem verbis v. 308. alter quoque indicativus βελεύετε positus est. Od. δ. 632. ἦ ῥά τι ἴδμεν ἐνὶ φρεσὶν, ἢ

καὶ ἐκί, ὅπποτε Τηλέμαχος νεῖτ' ἐκ Πύλῃ: quod non recte explicat Thierschius p. 190. ρ. 120. εἶρετό δ' αὐτίκ' ἔπειτα βοὴν ἀγαθὸς Μενέλαος, ὅττεν χρητίζων ἰκόμην Λακεδαιμόνα διαν. Confer Iliad. φ. 608. Eiusdem modi haec sunt Iliad. θ. 110. ὄφρα καὶ Ἑκτωρ εἴσεται, ἥ καὶ ἐμὸν δόρυ μαίνεται ἐν παλάμῃσιν. π. 242. ὄφρα καὶ Ἑκτωρ εἴσεται, ἥ ρα καὶ οἷος ἐπίσῃται πολεμίζειν ἡμέτερος Θερσάπων, ἥ οἱ τότε χεῖρες ἄαπτοι μαίνονθ', ὅππότ' ἐγὼ περ ἰὼ μετὰ μῶλον Ἀρης. Qui duo loci haud scio an alio etiam communis sermonis vestigio memorabiles sint, indicativo εἴσεται dico. Nam aliud agebat, opinor, Thierschius, quum p. 180. εἴσεται in coniunctivis numeraret. Quod si quis ὄφρα, ut significans, cum futuro ferre nolit, poterit id pro donec accipere. Ita autem cognatae hae significationes sunt, quam rem attigit Porsonus ad Eurip. Phoen. 89. ut in Odyssaea ἕως non semel ut significet, v. c. δ. 800. ε. 386. ζ. 80. Nec sordes appellarim indicativos in his locis: Od. α. 316. δῶρον δ', ὅττι κέ μοι δῆναι Φίλον ἦτορ ἀνώγει, αὖτις ἀνερχομένῳ δῆναι, ubi, quum modo obtulerit donum Telemachus, idonea causa est, quare admitti indicativus possit; et Il. μ. 226. πολλὰς γὰρ Τρώων καταλείβομεν, ἅς κεν Ἀχαιοὶ χαλκῷ δῶσωσιν, ubi ut praeferendus sit coniunctivus, at indicativus non est tamen falsus. Sed in illo Od. ι. 277. εἰ δ' ἂν ἐγὼ Διὸς ἔχθρος ἀλευάμενος πεφιδόμην ὅτε σεῦ, εἴδ' ἐτάρων, εἰ μὴ θυμός με κελεύει, ut a sermone familiari excusatio sit, tamen sententiae causa optativum anteposam.

Denique alius generis hoc est Od. υ. 385. ἀλλ' ἀκέων πατέρα προσεδέρετο, δέγμενος αἰεὶ, ὅπποτε δὴ μνηστῆρσιν ἀναιδέσι χεῖρας ἐφήσει. Non refrager, si quis cum Thierschio p. 192. ex cod. Vrat. ἐφείη praeferat, modo idem etiam v. 29. reponat: sed ἐφήσει qui defendere volet, eo uti argumento debet, quod Graeci, quae ex aliena mente dicuntur, saepe velut ex praesentis ore proferant. Qui mos, frequens apud recentiores, ipse quoque radices suas in Homero habet. Itaque his quoque in locis ἐφήσει, si versum 39. compares, habebit, quo defendatur. Rara tamen haec sunt apud Homerum. Il. μ. 59. περὶ δὲ μενοειδὲς, εἰ τελείωσιν. Od. ν. 339. αὐτὰρ ἐγὼ τὸ μὲν ὅπποτ' ἀπίσσειν, ἀλλ'

ἀλλ' ἐνὶ θυμῷ ἦδ' ὃ νοσήσεις, quod Minerva iam reverso dicit. ρ. 360. αὐτὰρ Ἀθήνη ὤτρυν', ὡς ἂν πύρνα κατὰ μνηστῆρας ἀγείροι, γνοίη θ', οἵτινές εἰσιν ἐναίσιμοι, οἳ τ' ἀθέμιτοι. In illo ξ. 331. τ. 288 ὤμοσε· ἐπαρτέας ἔμμεν ἐταίρους, οἳ δὴ μιν πέμψῃσι Φίλην ἐς πατρὸς γαῖαν, postremus versus ut ab eo, qui haec narrat, adiectus accipi potest.

Venio ad coniunctivum. Cui quoniam, ut supra demonstratum est, futuri significatio adhaeret, domicilium illè habet in rebus futuris, ideoque aut ad aliud tempus futurum, aut ad praesens refertur, non etiam, simpliciter quidem, ad praeteritum, quia praeteritis et futuris nulla est nisi per praesens communio. Quare ubi cum praeteritis iungitur coniunctivus, praesens aliquod, quo ille referatur, lateat necesse est: quod quum pluribus modis fieri possit, de potioribus exponendum videtur.

Ac primo latet praesens, ubi per praeteritum designatur: ὅς κε θεοῖς ἐπιπείθεται, μάλα τ' ἐκλυον αὐτῷ, Iliad. α. 218. Sic ι. 508. κ. 225. ω. 531. Od. δ. 357. Et cum particulis temporalibus: Iliad. κ. 689. ὅς τε καὶ ἄλκιμον ἄνδρα φοβεῖ, καὶ ἀφείλετο νίκην ἐπιδίως, ὅτε δ' αὐτὸς ἐποτρύνῃσι μάχεσθαι. Vide ρ. 98. Od. ο. 409. cuius loci rationem non prorsus perspexit Thierschius p. 16. Eadem ratio etiam in negativis sententiis obtinet: Od. κ. 327. εἰδὲ γὰρ εἰδὲ τις ἄλλος ἀνὴρ τάδε φάρμακ' ἀνέτλη, ὅς κε πῖη, καὶ πρῶτον αἰμείψεται ἔρκος ὀδόντων. μ. 66. ἀλλ' ἔπω τις νηὺς φύγεν ἀνδρῶν, ἣτις ἴκηται. Difficilius hoc est, Il. ξ. 521. ἔ γάρ ci τις ὁμοῖος ἐπισπείσθαι ποσὶν ἦεν, ἀνδρῶν τρεσσάντων, ὅτε τε Ζεὺς ἐν φόβῳ ὄρσῃ, ubi Thierschius p. 15. neque hanc lectionem, neque alteram ὄρσεν ferri posse iudicans, ὄρσαι scribi vult; non ille quidem primus: nam et alii viro docto ita visum erat, et mihi ipsi in dissertatione de praeceptis quibusdam Atticistarum p. 20. sed dubitare postea coepi, monente etiam optativo, praeter solitum particulam τε comitem habente, an haec saltem via deferenda esset. Nec sane damnem ὄρσεν, quia nihil impedit, quominus haec de Troianorum fuga intelligantur: quin prorsus id ex more poetae foret: sed ne coniunctivus quidem plane spernendus est, si quidem ἀνδρῶν τρεσσάντων universe dictum accipia-

tur pro ἐν τροπῇ μάχης: nemo eum aequabat in persequendo, quum cedunt hostes, ubi terrorem incusserit Iuppiter.

Alius modus est, quum praeteritum tale est, ut eius vis etiam in praesenti futuroque tempore permaneat. Iliad. κ. 88. γνῶσκει Ἀτρεΐδην Ἀγαμέμνονα, τὸν περὶ πάντων Ζεὺς ἐνέηκε πόνοισι διαμπερές, εἰς ὃκ' αὐτμὴ ἐν σῆθεσσι μένη, καὶ μοι φίλα γένατ' ὀρώρη. Sic Iliad. υ. 313. (coll. Φ. 373.) Φ. 229. ω. 175. et 194. (coll. 119. 147.) Od. θ. 44. κ. 21. λ. 432. ρ. 55. ψ. 267. ω. 201. Huius generis est etiam hoc Iliad. η. 394. καὶ δὲ τόδ' ἠνώγεον εἰπεῖν ἔπος, αἶκ' ἐθέλητε παύσασθαι πολέμοιο δυσήχεος, εἰς ὃκε νεκρὸς κείμεν. Compara cum hoc π. 61. σ. 189. Vix opus est, ut adiciam, eodem modo particulas finales construui, ubi effectus rei praeteritae adhuc praesenti tempore conspicuus, vel futuro expectandus est. Od. ω. 359. ἐνθα δὲ Τηλέμαχον καὶ Βυκόλον ἠδὲ συβώτην πρῆπεμψ', ὥς ἂν δειπνον ἐφοπλίσσωσι τάχιστα. In apparanda enim coena adhuc illi occupati erant. Vide etiam vers. 479.

Porro quem supra in indicativo vidimus morem Graecorum, cogitata e praeterito tempore in praesens transferendi, is etiam in coniunctivi usu invenitur. Od. π. 368. ἐμίνομεν ἥῳ δῖαν, Τηλέμαχον λοχῶντες, ἵνα φθίσωμεν ἐλόντες. Iliad. ο. 22. δν δὲ λάβοιμι, ῥέπτασκον τεταγῶν ἀπὸ βηλῆ, ὃφρ' ἂν ἴκηται γῆν ὀλκῆ πελέων. Ad hoc genus pertinent duo alii loci, similes illi quidem inter se, sed tamen quodammodo oppositi: Iliad. ξ. 161. ἦδε δὲ οἱ κατὰ θυμὸν αἰρίση φαίνεται βελή, ἐλθεῖν εἰς Ἴδην εὖ ἐντύνασαν ἐ αὐτήν, εἴ πως ἰμείραιτο παραδραθέειν φιλότῃτι ἢ χροῖῃ, τῷ δ' ὕπνον ἀπήμονά τε λιαρόν τε χεύῃ ἐπὶ βλεφάροισιν ἰδὲ φρεσὶ πευκαλίμῃσιν, ubi optativus et coniunctivus personis distinguendis inserviunt, ita quidem ut χεύῃ, quod proprie est *an debeat*, ad ipsam Iunonem referatur. Eadem personarum distinctio, sed inversa ratione, et recte quidem, invenitur π. 646. de Iove: καὶ φράζετο θυμῷ, πολλὰ μαλ' ἀμφὶ φόνῳ Πατρόκλῃ μερμηρίζων, ἣ ἤδη καὶ κεῖνον ἐνὶ κρατερῇ ὑσμίνῃ αὐτῇ ἐπ' ἀντιθέῳ Σαρπηδόνι Φαίδιμος Ἐκτωρ χαλκῷ δηώσῃ, ἀπὸ τ' ὤμων τεύχε' ἔλῃται, ἣ ἔτι καὶ πλεόνεσσιν ὀφέλλειν πόνον αἰπύν. Aliud huiusmodi exemplum exstat

existat o. 595. ff. Ex hac significatione explicandus coniunctivus Od. ξ. 327. τὸν δ' ἐς Δωδώνην φάτο βήμεναι, ὅφρα θεοῖο ἐκ δρυὸς ὑψικόμοιο Διὸς βελὴν ἐπακύνσαι, ὅπως νοσήσῃ Ἰθάκης ἐς πῖονα δῆμον. Certe vulgatum νοσήσῃ praeſtat eo, quod Wolfius dedit, νοσήσει. Sed ubi haec repetuntur, τ. 296. prorsus de more scriptum est, ὅπως νοσήσειε φίλην ἐς πατρίδα γαῖαν. Eodem modo fortasse alii quoque coniunctivi, ut Iliad. β. 4. defendi poterunt.

Denique commemorandus est is coniunctivi usus, quo hic modus apud Homerum etiam solus per se futuri significationem habet. Qui usus derivandus est ex significatione dubitativa, quam in coniunctivo esse satis constat. Est autem haec significatio duplex. Nam aut in eo cernitur, quod agendum sit, quam deliberativam significationem dixeris: eaque Homerus, pariter ac caeteri scriptores, tantum in prima persona sive singularis sive pluralis numeri utitur, cuius rei rationem alio loco aperui; aut spectat ad id, quod sit vel fiat, quam coniecturalem appellari licebit, qua Homerus in omnibus personis utitur. Utraque non ubique eandem vim habet. Nam ut in omnibus linguis multa, quae tamquam incerta proferuntur, ita dici solent, ut potius maxime affirmari intelligantur, ita idem Graecis in coniunctivo videmus placuisse. Itaque quum ἔωμεν proprie dubitantis esset, deinde ad adhortationem decretumque translatus est. Eodem igitur modo in illa coniecturali significatione primo incertum intelligitur futurum. Telemachus in primo libro Odyssaeae, ubi non affectare se regnum dicit, quoniam multi sint in Ithaca viri generis nobilitate conspicui, subiicit v. 396. τῶν κέν τις τόδ' ἔχῃσιν, ἐπεὶ θάνε διὸς Ὀδυσσεύς. Sic etiam δ. 691. ἢ τ' ἐστὶ δίκη θεῶν βασιλῆων, ἄλλον κ' ἐχθαίρησι βροτῶν, ἄλλον κε φιλοῖη. Vide Iliad. β. 488. Od. β. 333. δ. 240. v. 215. Interdum pene nihil a simplici futuro differt, ut Iliad. π. 129. Od. μ. 383. Sed saepe habet fortio-rem quamdam vim ac futurum, ita ut etiam a futuro distinguatur; Od. π. 437. ἢ ἔσθ' ἔτος ἀνῆρ, ἔδ' ἔσεται, ἔδ' ἐγένηται. Germanice dicas, *der ist nicht, und wird nicht seyn, und soll nicht seyn*. Similiter ζ. 201. μ. 191. Sed

Sed plerumque mollitur haec significatio, ut dubitanter loquendo affirmes. Iliad. ο. 349. αὐτὰρ οἱ θάνατον μητίσσομαι, ἔδ' ἐν τὸν γε γνωτοί τε γνωταί τε πυρὸς λελάχουσι θανόντα, ἀλλὰ κύνες ἐρύουσι πρὸ ἄσπερος ἡμετέρου: quod eadem figura Germanice dicas, *sie sollen ihn wohl nicht bestatten*. Sic vero illud intelligendum est, ἔσσεται ἡμαρ, ὅτ' ἂν ποτ' ὀλώλῃ Ἴλιος ἱρὴ, Iliad. δ. 164. ζ. 448. ut ex priore potissimum loco intelligitur. Alia exempla vide Iliad. γ. 54. 417. λ. 386. 431. ξ. 235. σ. 308. χ. 244. 505. Od. δ. 389. κ. 507. σ. 265. Sic possis etiam intelligere ὅς κεν ἔχῃ et similia Iliad. β. 365. ψ. 344. Od. δ. 756.

Perventum est ad optativum. Hic modus quoniam ea indicat, quae in sola cogitatione posita sunt, per se nullam omnino habet temporis significationem, sed pro cuiusque loci conditione vel ad praeteritum tempus, vel ad praesens, vel ad futurum refertur. Iliad. ν. 343. μάλα κεν θρασυκάρδιος εἴη, ὅς τότε γηθήσειεν ἰδὼν πόνον, ἔδ' ἀκάρχοιτο. His verbis, quae ibi de re praeterita dicuntur, uti possis etiam in re praesente et futura. Ita fit, ut et illud de futuro recte dicatur, Iliad. ω. 619. ἔπειτ' αὖτε φίλον παῖδα κλαίοισθα, et hoc de praeterito Iliad. γ. 453. ἔ μὲν γὰρ φιλότῃ γ' ἐκεύθανον, εἴ τις ἴδοιτο, pro eo, quod plerumque dici solet, εἴ τις εἶδεν. Vide ε. 311. 388. ρ. 70. τ. 90.

Quamquam autem omnis optativi usus eo redeat, ut quid in sola cogitatione positum esse significetur, tamen variae sunt rationes modique, quibus id fieri possit. Horum primus maximeque simplex is est, quum quid nulla alia notione adiuncta ut sola cogitatione fictum narratur. Vt in re praeterita Il. δ. 539. ἔνθα κεν ἔκέτι ἔργον ἀνὴρ ὀνόσαιτο μετελθὼν, ὅστις ἔτ' ἄβλητος καὶ ἀνέτατος ὁξείῃ χαλκῷ δινεύοι κατὰ μέσσον; in praesenti Od. φ. 139. ποῖοί κ' εἴτ' Ὀδυσῆϊ ἀμυνέμεν, εἴ ποθεν ἔλθοι; in futura Il. ω. 139. ὅς ἄποινα φέροι, καὶ νεκρὸν ἄγοιτο, i. e. *abducat licet*. Quoniam autem, quae sola cogitatione finguntur, ad experientiae veritatem comparata, non re vera fiunt, sed possunt fieri: consentaneum est, optativo, quae possint fieri, significari. Isque frequens apud Homerum usus est. Od. μ. 112. εἰ δ' ἄγε δὴ μοι τῆτο, θεά, νημερτές ἐνισπε, αἶ πως τὴν ὁλοήν μὲν ὑπεκπροφύγοιμι Χάρυβδιν,

βδιν, τὴν δὲ κ' ἀμυναίμην, ὅτε μοι σῖνοιτό γ' ἐταίρης. Vide Iliad. α. 60 ε. 192. (ξ. 299) ζ. 452. η. 231. θ. 291. κ. 166. 171. ξ. 241. ο. 736. 738. ρ. 640. χ. 348. ω. 149. Od. α. 254. β. 52. γ. 319. δ. 167. 560. (ε. 17. 142. ρ. 146) ε. 166. ι. 126. ι. 434. λ. 366. μ. 287. ξ. 120. π. 257. 297. 305. υ. 383. χ. 138. ω. 189. f. 532. Hinc fit, ut saepe coniunctivus et optativus in eadem constructione coniungantur, ut Il. σ. 307. ἀλλὰ μάλ' ἄντην σήσομαι, ἢ κε Φέρησι μέγα κλέος, ἢ κε Φερούμην. Germanice dicas, *ob er siegen soll, oder ich siegen könne*. Vide χ. 244. seqq. Od. μ. 156. f. Vnde ξ. 183. scribendum: ἀλλ' ἦτοι κεῖνον μὲν ἐάσομεν, ἢ κεν ἀλώη, ἢ κε Φύγοι, καὶ κέν οἱ ὑπέρσχη χεῖρα Κρονίων: compara Il. δ. 249. Non debebam in dissertatione de praeceptis quibusdam Atticistarum p. 18. ad hanc constructionem illud referre Od. χ. 75. ἐπὶ δ' αὐτῷ πάντες ἔχωμεν ἄθροοι, εἰ κέ μιν ἐδῷ ἀπώσομεν ἠδὲ Θυράων, ἔλθωμεν δ' ἀνὰ ἄστυ, βοή δ' ὤκιστα γένοιτο. Nam ibi maiore interpunctione post ἄστυ posita, quae sequuntur, non pendent ex particula εἰ, sed per se posita sunt, hoc sensu: *tum poterit auxilium advocari*. Sic eadem verba intelligenda sunt etiam v. 133. Eadem ratio loquendi saepius occurrit: exemplo in eadem dissertatione eadem pagina ex Il. η. 41. f. allato adde β. 160. γ. 53. λ. 802. videturque ea etiam in coniunctivi usu restituenda γ. 417. Ad hunc autem, de quo agimus, optativi usum pertinent illa quoque exempla, in quibus voluntatis quaedam significatio adiuncta cernitur, ut Od. δ. 637. τῶν κέν τιν' ἐλασσάμενος δαμασάμην. Ea ad secundam tertiamve personam translata, saepe monentis vel iubentis est, ut Il. ω. 149. κήρυξ τίς οἱ ἔποιτο γεραίτερος; tum etiam optantis, quae quidem ratio etiam alias formas habet, ut interrogativam cum particulis πῶς ἂν, ellipticam cum particula εἰ, aliasque.

Sed redeo ad simplicem illum optativi usum, quo nihil nisi quae tantum in cogitatione posita sunt, indicantur. Is in primis inservit consilio rationique, ob quam quid fiat, significandae. Sed placuit Graecis, de praesenti futurove consilio fere tum optativo uti, si effectus dubius esset; sin minus, potius coniunctivo utuntur, ut qui rei vere futurae praesentisve notio-

nem

nem contineat. Contra de praeteritis consiliis coniunctivum ibi usurpant, ubi effectus adhuc durat, vel expectandus est; quum autem iam praeteriit, quoniam id diserte nullus verborum modus indicat, optativum adhibent, quum quum effectum non verum, sed modo cogitatum notet, saltem non significat eum adhuc manere, sed potius refert ad illud tempus, quo captum est consilium. Iliad. η. 438. ἐν δ' αὐτοῖσι πύλας ἐνεποιέον εὖ ἄρα· ρυῖας, ἔφρα δὲ αὐτῶν ἱππηλασίῃ ὁδὸς εἴη. Eadem verba exstant v. 339. sed quum ibi ποιήσομεν dicatur, etsi εἴη non est falsum, tamen nisi significari voles, *ut possit esse*, coniunctivo usum esse poetam credas. Frustra autem coniunctivi formam εἴη in Thierschii grammatica HomERICA quaeras: quam tamen diligens poetae lectio non uno loco, opinor, vindicare poterit: vide Il. ι. 245. Od. ο. 448. ε. 586. neque aliter, nisi fallor, Il. σ. 88. Vtrum autem εἴη an ἦη praestet, non diiudicari. Illud certum est, Aristarcho et accuratioribus grammaticis (vide Etym. M. p. 787, 26.) Φανήη aliasque similes formas etiam in his verbis, a quibus Thierschius eas abiudicare ausus est, probatas fuisse. Sed hoc obiter. Vtrique modo locus est in hoc, Il. χ. 252. νῦν αὐτὲ με θυμὸς ἀνῆκεν σήμεναι ἀντία σεῖο, ἔλοιμί κεν ἢ κεν ἀλοῖην, prout ad tempus capti consilii, vel quo perficitur, referas. Sed patet hic optativi usus aliquanto latius, et saepe etiam in constructione particularum temporalium cernitur. Iliad. δ. 262. σὸν δὲ πλεῖον δέπας αἶετ' ἔσχη' ὥσπερ ἐμοί, πίειν, ὅτε θυμὸς ἀνώγοι. Od. θ. 69. πὰρ δ' ἐτίθει κἄνεον, καλήν τε τράπεζαν, πὰρ δὲ δέπας οἴνοιο, πιεῖν, ὅτε θυμὸς ἀνώγοι. Significatur enim poculum ea mente appositum, ut, quando vellet, biberet. Sed in priore loco quae praecedunt, περί μὲν σε τῶ Δαναῶν, ἡμὲν ἐνὶ πτολέμῳ, ἢ δ' ἐν δαίῳ, ὅτε πέρ τε γεράσιον αἶθοπα οἶνον Ἀργείων οἱ ἄριστοι ἐνὶ κρητῆρσι κέκωνται, apparet, coniunctivum habere, quia res non ex cuiusquam cogitatione suspensa est. Quod si in eadem re v. 344. optativum videmus, is quomodo explicandus sit, infra dicetur. Sed accuratius quaedam ex hoc genere consideremus. Od. σ. 147. μὴδ' ἀντιάσειας ἐκείνῳ, ὅπποτε νοσήσειε. Νοσήση si diceret, esse reditum Vlysssem indicaret: nunc, optativo

optativo usus, incertum reddit, an sit rediturus: ut si plene hoc velis exprimere, dicendum sit, *quum redierit, si redibit*. Sic π. 391. φ. 161. ἢ δέ κ' ἔπειτα γήμαιθ', ἔς κεν πλείστα πόροι, καὶ μόρσιμος ἔλθοι. β. 335. π. 385. οἰκία δ' αὐτε τέττε μητέρι δοῖμεν ἔχειν, ἢδ' ὅστις ὀπυίοι. Aliter ο. 20. οἶσθα γάρ, οἶος θυμὸς ἐνὶ στήθεσσι γυναικὸς· κείνῃ βύλεται οἶκον ὀφείλλειν, ἔς κεν ὀπυίοι: ubi quum de ea sermo sit, quae re vera habeat maritum, ὀπυίῃ scriptum oportebat. Frequentia sunt talia, ut Il. ψ. 494. καὶ δ' ἄλλῃ νεμεσῶτον, ὅτις τοιαῦτά γε ῥέζοι: Od. α. 47. ὥς ἀπόλοιτο καὶ ἄλλος, ὅτις τοιαῦτά γε ῥέζοι. Sed ad illud primo adspectu non-nihil offendas, Od. ζ. 286. καὶ δ' ἄλλῃ νεμεσῶ, ἥτις τοιαῦτά γε ῥέζοι, ἦτ' αἰέκητι φίλων πατρὸς καὶ μητρὸς ἐόντων ἀνδράσι μίσγεται: nam quae addita sunt, nihil nisi explicant priora, ut idem verbi modus videatur adhibendus fuisse. Nihil minus omnia recte dicta. Nam prius illud ut prorsus incertum ponitur: tum illo posito, reliqua, ut inde vere consequutura, per coniunctivum adiiciuntur: quod utrumque Germanice sic dicas: *wenn eine das thun könnte, und gegen den willen der ihrigen einem manne folgte*. Porro recte positus optativus in his, Iliad. 304. νῦν γάρ κ' Ἑκτορ' ἔλοις, ἐπεὶ ἂν μάλα τοι σχεδὸν ἔλθοι. τ. 206. νῦν μὲν ἀπὸ γοιμὶ πτολεμίζειν υἱὰς Ἀχαιῶν νήσιας, ἀκμήνῃς· ἅμα δ' ἡελίῳ καταδύντι τεύξεσθαι μέγα δόρπον, ἐπὴν τισαίμεθα λῶβην. ω. 226. αὐτίκα γάρ με κατακτείνειεν Ἀχιλλεύς, ἀγκὰς ἐλόντ' ἐμὸν υἱόν, ἐπὴν γούρ ἐξ ἔρον εἴην. Od. δ. 222. ὃς τὸ καταβρόζειεν, ἐπὴν κρητῆρι μιγείῃ, ἔ κεν ἐφημέριος γε βάλῃ κατὰ δάκρυ παρειῶν. Od. ω. 254. τοιάτῳ δὲ ἔρικας, ἐπεὶ λῆσαιτο φάγοι τε: de quibus locis duos neglexit Thierschius, qui in his, quae p. 196. seqq. et 213. de particcula ἐπεὶ differit, immemor eorum, quae p. 186. ipse dixerat, regulas comminiscitur, in quibus haud scio an nihil omnino veri sit. Qui si, quum ἐπὴν cum optativo iungi posse negat, in illo solo, ἐπὴν δαΐδας παραθεῖτο Od. β. 105. τ. 150. ω. 140. haesisset, non mirarer: hoc enim aliquam rationem habet: sed quod illa, quae supra posui, tentat, magno opere miror. Nam in istis locis omnibus quum non de eo, quod vere futurum fuerit, sed de eo, quod ut futurum cogita-

batur, sermo fit, apparet, recte adhibitum esse optativum. Vt id statim in primo ostendam, non hoc dicit, *prostrnere Hectorem poteris, quum ille tibi prope venerit*: neque enim venturum asseverat: sed *poteris, quum prope venerit, si quidem veniet*. Eadem et reliquorum locorum ratio est, et illorum, in quibus Thierschius p. 13. coniunctivum reponi vult: Il. γ. 54. *ἐν ἂν τοι χραίσμη κίθαρις, τὰ τε δῶρ' Ἀφροδίτης, ἥ τε κόμη, τό τε εἶδος, ὅτ' ἐν κονίησι μιγείης*. Od. ξ. 372. *εἰ δὲ πόλινδε ἔρχομαι, εἰ μὴ πῦρ τι περιφρων Πηνελόπεια ἐλθέμεν ὀτρύνῃσιν, ὅτ' ἀγγελίῃ ποθὲν ἔλθοι*. Nam neque Helena mortem denunciatur Paridi, sed hortatur, ut eum Menelao pugnet; saluum redituum sperans: neque Eumaeus, ubi nuncius venerit, tamquam si hoc fieri soleat, se dicit in urbem ire, sed si forte veniat nuncius. Thierschius quidem utroque in loco coniunctivo, qui praecedat, optativum excludi dicit. Hoc quale sit, nescio. Sed viderit, quid faciat hoc loco, Il. λ. 386. *εἰ μὲν δὲ ἀντίβιον σὺν τεύχεσι πειρηθείης, ἐν ἂν τοι χραίσμησι βιὸς καὶ ταρφέες ἰοί*. Alteri loco illustrando hic aptus est, Od. α. 415. *εἴτ' ἔν ἀγγελίῃς ἔτι πέθομαι, εἴ ποθεν ἔλθοι, ἔτε θεοπροπίης ἐμπάζομαι, ἥντινα μήτηρ, ἐς μέγαρον καλέσσασα θεοπρόπον, ἐξερέηται*. Hoc enim, ut coniectores interrogaret Penelope, solebat fieri; illud, ut nuncius afferretur, et rarum erat, et fortuitum. Sic etiam ρ. 539. *εἰ δ' Ὀδυσσεὺς ἔλθοι, καὶ ἵκοιτ' ἐς πατρίδα γαῖαν, αἰψά κε σὺν ᾧ παιδί βίας ἀποτίσεται ἀνδρῶν*. Non est autem mirum, saepe utrovis modo loqui licere, modo utervis sua propria vi aptus sit. Vt Il. κ. 305. *δώσω γὰρ δῖφρον τε, δῶν τ' ἐριαύχενας ἔππας, οἳ κεν ἄριστοι ἔωσι θεῆς ἐπὶ νηυσὶν Ἀχαιῶν, ὅστις κεν τλαίῃ, οἳ τ' αὐτῷ κῦδος ἄροιστο, νηῶν ἀκνύδων σχεδὸν ἐλθέμεν*. Dicit, *si quis audeat*, incertum relinquens, an talis futurus sit: quod si τλήῃ dixisset, *qui fuerit ausus*, exspectare se indicaret, fore, qui auderet. Illud vero necessario dicendum erat, *οἳ κεν ἄριστοι ἔωσι, qui optimi reperti fuerint*: nam si, optativo usus, daturum se promississet, si qui essent optimi vel possent esse, neminem tam incerti praemii spe permovisset. Od. η. 33. non erat satis idonea causa, quare diceretur, *εἰ ἀγαπαζόμενοι φιλέουσ', ὅς κ' ἄλλοθεν ἔλθοι*; rectiusque

que in altera lectione apud schol. Harl. ad v. 119 coniunctivus est; ὅτε κέν τις ἴκηται. λ. 147. ὄντινα μὲν κεν ἑᾶς νεκύων κατατεθνη-
των αἵματος ἄσπον ἴμεν, ὅδε τοι νημερτές ἐνέψει· ὧ δέ κ' ἐπιφθο-
νέοις, ὅδε τοι πάλιν εἴτιν ὀπίσσω. Valde dubitari potest, sic, an
ἐπιφθονέης dederit; si optativum, hoc dicet, *si cui inuideas*: col-
loqui enim Ulysses cum umbris cupiebat, quaesieratque, non
quomodo eas arceret, sed quomodo perduceret ad colloquen-
dum. Sed χ. 443. θεινόμεναι ξίφεσιν τανυήκισιν, εἰσόκε πασέων
ψυχὰς ἐξαφελήσθε, καὶ ἐκλελάθοιντ' Ἀφροδίτης, vix habet, quo
defendatur. A poeta profectum puto ἐκλελάθητ'. Rationem
habet illud, ο. 435. εἴη μὲν καὶ τῆτ', εἴ μοι ἐθέλοιτέ γε, ναῦται,
ὄρεω πισωθῆναι, ἀπήμονά μ' οἶκον ἀπάξειν: sed valde diversum
est, quod legitur Iliad. ψ. 893. αἰτὰρ δόρυ Μηριόνη ἥρωι πόρωμεν,
εἰ σύ γε σῶ θυμῷ ἐθέλοις· κέλομαι γὰρ ἔγωγε: quod modestiae est.
Vide diss. de praecceptis Atticistarum p. 11. In illo vero, κ.
346. εἰ δ' ἄμμε παραφθαίησι πόδεσσιν, αἰεὶ μιν προτὶ νῆας ἀπὸ στρα-
τόφιν προτιελεῖν, manifesto vitiosus est optativus, ut in re certo
futura.

Reliquae sunt duae aliae loquendi formae, de quibus monen-
di tirones sint. Una cornitur in particulis ὅτε μή, quarum ex-
empla haec sunt apud Homerum: Il. v. 317. αἰπὺ οἱ ἐσσεῖται,
μάλα πὲρ μεμαῶτι μάχεσθαι, κείνων νικήσαντι μένος καὶ χεῖρας
ἀάπτως, νῆας ἐνιπρῆσαι, ὅτε μὴ αὐτός γε Κρονίων ἐμβάλοι αἰθέμε-
νον δαλὸν νήεσσι θοῆσιν. ξ. 247. Ζηνὸς δ' ἔκ ἂν ἔγωγε Κρονίονος
ἄσπον ἰκοίμην, ἔδὲ κατευνῆσαιμ', ὅτε μὴ αὐτός γε κελεύοι. Od. π.
196. ἔ γάρ πως ἂν θνητὸς ἀνὴρ τάδε μηχανόωτο ὧ αὐτῷ γε νόω, ὅτε
μὴ θεὸς αὐτὸς ἐπελθὼν φειδῶς ἐθέλων θείη νέον ἢ γέροντα. ψ. 184.
τίς δέ μοι ἄλλοσε θῆκε λῆχος; χαλεπὸν δέ κεν εἴη, καὶ μάλ' ἐπίσα-
μένω, ὅτε μὴ θεὸς αὐτὸς ἐπελθὼν ῥηιδίως ἐθέλων θείη ἄλλη ἐνὶ χώρῃ.
Ex his, quae paullo ante dicta sunt, facile intelligi poterit,
recte adhibitos esse optativos. Nam in nullo horum locorum
de re sermo est, quae expectari possit, sed in omnibus fingitur
aliquid, idque tale, quod eventurum esse ne credibile quidem
sit. Quamobrem miror, quod Thierschius, dum anceps animi
pendet p. 8. denique eo inclinat, ut ubique coniunctivum repo-

ni velit. Quas rationes affert, earum prima, quod per ὄρε conditio indicetur, qua tollatur, quod praecesserit, ea non video quorsum valeat: nam talis conditio, modo μὴ adiectum sit, aderit, quicumque verbi modus adhibeatur: altera autem, quod Apollonius Rhodius, qui ubique Homeri vestigia legat, coniunctivos tueri videatur, non una ex parte laborat. Primum enim tantum abest, ut Apollonius Rhodius Homerum ubique sectetur, ut eius oratio ab HomERICA mirum quantum discrepet: de qua re qui plura, quam quae obiter inspectis utriusque poetae carminibus occurrerint afferre velit, satis magnum possit librum conscribere. Deinde (non enim contendo nihil Apollonium ex Homero hausisse, sed aio plurima) est, ubi Apollonii auctoritas aliquid conferat ad Homeri usum cognoscendum; est vero etiam, ubi nihil utilitatis afferat, quia ille non ubique recte Homerum imitari videtur. Denique in hac re, de qua nunc agimus, quid valeat Apollonius, multo minus intelligi potest. Qui si erat commemorandus, non hic locus, I. 245. afferri debebat, (multo enim facilius unum Apollonii, corruptissimi scriptoris, locum ex quatuor Homericis, quam hos ex uno, eoque dubiae auctoritatis, Apollonii corrigas) sed IV. 409. Verum ne sic quidem quidquam efficietur, nisi ut appareat, Apollonium coniunctivo usum esse, ubi coniunctivus poni debebat, quemadmodum idem in eadem formula alibi recte optativo utitur.

Alter, de quo dicturus eram, usus optativi is est, quo frequens repetitio rei praeteritae significari putatur. Id vero prorsus falsum est. nec sequi hunc errorem, sed refutare debebat Thierschius. Nam etsi negari non potest, ubi de re saepius repetita sermo est, tam crebrum esse optativi usum, ut rarissima sint exempla in quibus ille non inveniat, (apud Homerum non memini exemplum praeter Il. γ. 221. in quo ipso, sed male, nonnulli libri optativum habent) tamen ea non optativi vis est, sed verbi, unde pendet optativus: hoc enim ubique tale est, ut in ipso insit diuturnitatis vel repetitionis significatio: est enim plerumque vel imperfectum, vel plusquamperfectum: Iliad. α. 610. Od. τ. 49. ἔνθα πάρος κοιμᾶσθ', ὅτε μιν γλυκὺς

γλυκὺς ὕπνος ἰαίνει. Il. κ. 188. πεδόνδε γὰρ αἶετ' τετράφαθ', ὅσπερ
ἐπὶ Τρώων αἰολεῖν ἰόντων. Ac plerumque Homerus frequentativis
verborum formis utitur, ut Il. γ. 216. ἀλλ' ἔτε δὴ πολύμητις
ἀνάλξειεν Ὀδυσσεύς, σάσκεν, ὑπαὶ δὲ ἴδεσκε. Ad quam normam
Aristoteles, Rhet. II. 9, 11 ex Il. λ. 549. affert, Ζεὺς γὰρ οἱ
νεμέσασχ', ὅτ' ἀμείνονι Φωτὶ μάχοιτο. Frequentativis in eodem
genere utitur Herodotus, ut VII. 119. Raro aoristum invenias, et
ficcibi, ita ut aliquid adiectum sit, quo repetitio declaratur, ut
Il. γ. 232. πολλὰκι μὲν ξένισσεν Ἀρήφιλος Μενέλαος οἴκῳ ἐν ἡμε-
τέρῳ, ὅπότε Κρήτηθεν ἔκοιτο. Etenim optativus nullo modo potest
repetitionem indicare, neque in istis locis omnibus, quorum
millena afferri in eam rem possent, quidquam, nisi unum fa-
ctum notat, sed ita, ut ex multis factis, quorum notatio ver-
bo adiecto inest, illud designet, quodcumque alicui cogitare li-
buerit. Eadem ratio est coniunctivi in rebus praesentibus. Od.
τ. 515. αὐτὰρ ἐπὶ νύξ' ἔλθῃ, ἔλθῃσι τε κοῖτος ἅπαντας, κείμεν ἐν
λέκτρῳ. Nam si in his vertendis vocabulo *quoties* uti licet, ea
non coniunctivi virtus est, sed verbi κείμεν, ex quo de re solita
fieri sermonem esse cognoscitur. Sed quaeri poterit, an Graeci,
ubi de repetitione agitur, etiam praesenti iunxerint opta-
tivum. Quod etsi in se ipso nihil habet, quod repugnet, ta-
men non videtur temere concedendum. Non retulerim huc il-
lud Il. α. 549. ὃν δὲ κ' ἐγὼν ἐθέλωμι θεῶν ἀπάνευθε νοῆσαι, μήτι
σὺ ταῦτα ἔκαστα διεῖρεο, μηδὲ μετάλλα. Mirum enim foret, ni
Aristarchus hic, ut ι. 397. ἐθέλωμι scripsisset. Sed duo alii loci
maius momentum habent: δ. 343. πρῶτῳ γὰρ καὶ δαιτὸς ἀκκ-
άζεσθον ἐμεῖο, ὅπποτε δαῖτα γέρεσιν ἐφοπλίζομεν Ἀχαιοί. Thier-
schius quidem p. 194. ἀκκάζεσθον putavit imperfectum esse, in
qua re nec ducem, quod sciam, habuit, neque habebit, opi-
nor, qui sequatur. Quamvis autem facile ex simillimo loco v.
260. coniunctivus inferri possit, tamen ita constanter omnes
optativum tuehtur, ut eum, nisi qui temerarius sit, vix videat-
ur mutaturus esse. Alter locus est Od. ω. 343. ἐνθα δ' ἀνὰ
σαφυλαὶ πάντοια ἔασι, ὅπποτε δὴ Διὸς ὦραι ἐπιβρίσειαν ὑπερθεῖν.
Hunc ut regulae accommodaret Thierschius, inauditum quid

et pene incredibile commentus est, *ἴσσω* antiquum esse perfectum. In qua re alius adhuc, isque maior etiam inest error, quia, si non potest cum praesente construi optativus ista repetitionis significatione, non magis poterit cum perfecto: unde Thierschio hanc omnem rationem parum perspectam fuisse conicio. Mihi quidem hos locos consideranti videtur optativus ita cum praesente, quo aliqua repetitio contineatur, locum habere, si non, ut in coniunctivo, ad futuram, sed ad praeteritam partem praesentis respiciatur. Nam in priore loco, quod hactenus factum sit, exprobratur; in altero autem de vitibus sermo est, quas puer Vlysses olim a patre acceperit: quas ille quum quotannis uvis abundasse sciret, quoniam adhuc cultas videt, utrumque tempus coniungit. Quare si quis vim verborum interpretando exprimere velit, ita dicendum erit: *primi adestis, quoties epulas apparabamas: omnis generis uvis abundant, quoties anni tempestas fecundarat*. Qualia sermoni familiari facile condonari possunt.

Postularet institutus ordo, ut etiam de illo conditionum genere explicarem, quo sumitur aliquid esse, quod simul non esse fatemur, vel contra. Cui rei indicativum aoristi, imperfecti, et plusquamperfecti destinatum esse, supra indicavi. Sed hoc ita et planum et pervulgatum est, ut rectius praetermittatur. Quo magis miratus sum, quum Thierschium in epimetro illo, quod, pace viri amicissimi dixerim, totum retractari ab eo velim, ita in hoc genere vidi offendere, ut p. 211. monstruosum esse diceret illud Apollonii Rhodii I. 281. *αἶθ' ὄφελον κεῖν' ἡμαρ αὐτίκ' ἀπὸ ψυχὴν μεθέμεν, κηδέων τε λαθέσθαι, ὅφρ' αὐτός με τεῇσι Φίλης ταρχύσαιο χερσίν*: quod rectissime dictum esse, et sic, ut aliter ne potuerit quidem, nisi aliunde, certe ex adnotationibus ad Vigerum p. 767. IV. et 805. notum esse credebam.

Eo igitur perducta disputatione, quo volebam, quod supra me facturum ostendi, ut modos verborum, quos ad comparationes adhibere Homerus solet, attingerem, id quoniam longius est, quam ut hic tractari possit, alia dissertatione, quae
 mox

mox edenda erit, complectar. Itaque iam ad id venio, cuius rei causa haec scripsi. Sunt enim Vobis, Viri iuvenes, qui nova diligentique opera in litteris bonisque artibus collocata, magisterii honorem consequi cupitis, indicenda colloquia, quibus Vos Ordini nostro profectus vestros probare oporteat. Itaque Vos rogo, ut ante d. XXIII. mensis Ianuarii nomina Vestra apud me profiteamini: me ipsum autem putate ad res vestras quocumque modo possim iuvandas promptissimum fore.

P. P. Dom. I. Adv. Chr. a. c1616cccxii.

L I P S I A E

EX OFFICINA KLAUBARTHIA.

...the ... of ...
...the ... of ...
...the ... of ...
...the ... of ...
...the ... of ...
...the ... of ...
...the ... of ...
...the ... of ...
...the ... of ...
...the ... of ...

P. H. Davis, Secretary